



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniiis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 5. Quis sit Minister Sacramenti matrimonii?

[urn:nbn:de:hbz:466:1-73058](#)

§. 4.

Qua sit materia, & forma Sacramenti matrimonii?

358. Ante resolut. not. 1. *Sacramentum posse sumi, vel specificative, nimirum pro eo, quod habet vim significandi Sacramentaliter; vel reduplicative, prout habet vim significandi Sacramentaliter.* Hinc explicat duplex concretum; unum, quod dicit *res informatas verbis*, adhuc indifferentes, sed aptas assumi à DEO in signum gratiae; alterum, quod dicit *res verbis informatas*, ~~at~~ jam determinatas per diuinam institutionem, ad rationem signi Sacramentalis.

359. Not. 2. primum concretum vocari *Sacramentum sumptum materialiter*, seu *specificative*, quod Mastrius Scotista alio nomine appellat *totum extra Sacramentale*, quia supponitur ad totum Sacramentale, quod habetur *formaliter* per illius assumptionem in signum gratiae: secundum autem concretum dicitur *Sacramentum formaliter*, seu *reduplicative acceptum*.

Not. 3 ex decreto CC. Florentini pro instruct. Armenorum, omnia Sacramenta novae legis, constare *rebus* tanquam materia, & *verbis*, tanquam formâ: sed hoc intelligi de *verbis*, vel *formaliter*, vel *equivalenter* talibus. Nam in matrimonio sufficiunt, *loco verborum*, etiam nutus, & alia signa sufficienter expressiva mentis ex dictis: his prænotatis.

360. Resp. ex dictis olim in tract. Theol. de Sacrament. in generé, in Sacramento materialiter *sumptum* (nimirum pro toto extra Sacramentali) *res* esse materiam; & *verba*, formam: in Sacramento autem *formaliter sumpto* (nimirum pro toto Sacramentali) *res*, & *verba simul*, esse materiam; & *institutionem Christi*, esse formam. Ex hoc patet, quomodo discurrendum sit de Sacramento matrimonii. Si enim sumit *materialiter*, materia erunt *res*; & *formâ*, erunt *verba*; si *formaliter*, *res*, & *verba* erunt *materia*; *forma*, *institutione Christi*. Cùm autem matrimonium, seu *contractus mutuus*, signis externis expressus, sit id, quod Christus assumpsit in signum gratiae; & hic *contractus explicit duo*, nimirum *con-*

sensum, seu *traditionem juris mutuum in corpus*, ad usum conjugalem, ac ejusdem *acceptationem*, & hæc supponat illam: in Sacramento matrimonii *sumptu formaliter*, materia erit *traditio*; forma, *institutione Christi*. Unde cùm in cit. Decreto Florent. dicitur, materiam esse *res*, *animadvertisendum est, res non accipi*, ut *res opponuntur verbis* (nam in Sacramento pœnitentiae, materia, *ex qua*, sunt actus pœnitentis sensibiliter expressi, etiam *verbis*) sed sufficere *res equivalentes*, ea scilicet, quæ in locum terum subrogantur: sic in matrimonio, loco externæ traditionis, subrogatur *cōsensus exter- nè manifestatus*.

§. 5.

Quis sit Minister Sacramenti matrimonii?

Melchior Canus l. 8. t. 5. docet, Mi. 361. nistrum matrimonii, in quantum est *Sacramentum*, esse *Sacerdorem*; sed fallitur; dicendum enim, ministros hujus *Sacramenti* esse ipsos contrahentes, i. quia *mutuus consensus*, quo constat matrimonium *sumptum extra Sacramentaliter*, non procedit à *facerdote*, sed à *contrahentibus*; sed nec *institutione Christi* ab illo procedit; ergo nulla pars hujus *Sacramenti* *formaliter sumpti*. Deinde nullum sit *Sacramentum sine persona ministri cum intentione faciendi*, quod facit Ecclesia, ut constat ex Trid. & tamen *Sacramentum matrimonii*, jure antiquo stabat sine *Parocho*, & *testibus*; & hodie stat, ubi non viget Tridentinum irritans matrimonio simpliciter clandestina. Hinc quando matrimonium contrahitur per *Procuratorem*, non ipse *Procurator* est *Minister Sacramenti*, sed est *ministri*, seu illius, cuius mandato agit, instrumentum.

Hinc pro fundamento Cani nota, ver. 362. ba sacerdotis matrimonio assistentis nullo modo esse necessaria ad valorem hujus *Sacramenti*, & *verba contrahentium superlieri possesse signis*. Quare omnino negandum est, matrimonium clandestinum simpliciter, non fuisse *Sacramentum jure antiquo*, ubi ea valida erant; ac etiam jure novo in illis locis, ubi non ligat decretum

cretum CC. Trid. quo talia matrimonia irrita decernuntur. Et quamvis actio Sacramentalis, Sacra sit, non tamen ex eo talis est, quod fiat à Ministro consecrato (nam alias baptismus, à laico collatus Sacramentum non est), sed ex hoc, quod sicutio, quā institutione Christi fit, Sacramentum, gratiæ sanctificantis præcè inductivum. Contrahentes autem peccare graviter, quando Sacramentum illud, consciæ culpæ gravis recipient, communis tenet: an autem in quantum sunt Ministri, seu illud conficiunt? variant Doctores. Non peccare graviter Ministru, culpæ mortalis consciæ, conscientem Sacramentum, nisi sit ad tales functionem specialiter consecratus, olim secutus sum, & nunc sentio, cum Thom. Sanchez, l. 2. h. 6. n. 4. Hinc quando Canis objicit, si contrahentes essent, Ministri, duplex peccatum grave committerent, unum ministrando, alterum recipiendo Sacramentum; responderetur, id non procedere in dato casu; quia non ministrant ad hoc specialiter consecrati.

ARTICULUS II.

De matrimonio, in quantum est contractus.

363. Matrimonium sic acceptum, est contractus legitimus, quo contrahentes sibi mutuo constitutus jus suorum corporum ad usum conjugalem, seu proles generationem. Ex quo restè sequitur, matrimonium celebrari posse, non tantum quā Sacramentum, sed etiam quā est contractus, absque consensu in copulam. Jus enim, & usus juris, distincta sunt; ergo & consensus in habendum, vel retainendum jus à consensu in usum juris; quod manifestum fit in Conjugibus, post consummatum matrimonium, Religionem validè professis, qui cum castitate solenniter professa, licet retinent jus mutuum suorum corporum ad usum conjugalem, quin per hoc consentiant in copulam. Ut porro contractus iste (qui humano modo, at inter homines celebratur) cum obligatione mutua, ritè fiat, sequitur. I. eum debere constare consensu mutuo cum reprobatione, & acceptance, signis externis per verba, vel

his æquivalentia, de præsenti expressa, prout deduci potest ex his, quæ de Sponsalibus præmissa sunt. Quare non sufficit consensus merè internus; nec simulatus, & mendax ex dict. supr. sequitur. 2. eum debere esse inter personas jure habiles, nullo scilicet impedimento dirimente, constrictas, de quo in sequentibus titulis agendum erit. Potissimum, quod hic resolvendum venit, est, qualis esse debeat consensus, qui substantialiter pertinet ad valorem matrimonii.

§. I.

An valor matrimonii pendeat à consensu juxta consuetudinem Patriæ?

De hoc agitur in c. de Francia i. b. t. 364, ubi quidam nobilem mulierem de Saxonia, lege Saxonum duxit in Uxorem; verum, quia non eidem utuntur legibus Saxonum, & Francigenæ, causatus est, quod eam non suā, id est, Francorum lege, despousaverat, vel acceperat, vel dotaverat: dimissaque illa, aliam superduxit. Definivit super hoc sancta synodus, ut ille transgressor Evangelicæ legis subjiciatur poenitentia, & à secunda conjugi separetur, ut ad priorem redire cogatur. Ex hoc textu sequitur, ad questionem propositam, dicendum negativè; cum exprestè dicatur, à secunda conjugi separetur, & ad priorem redire cogatur, quam dimiserat, non obstante, quod eam non suā lege despousayerat. Quare not. 1. semper; & apud omnes gentes, ad matrimonium celebrandum, quædam fuissa prescripta, ut substantialia; quædam vero solum ut accidentalia, nimirum pro solennitate, ut not. Gonzalez. in cit. c. 1. n. 18. quod eriam procedit de jure Canonico, ut videri potest in c. Alter. 3. q. 5. de quo egimus supr. Hinc, licet solennitates legales non sint observandas, ut actus substantialis; tamen servandas sint; cum justæ ac licitas sunt, ut pat. ex c. Raynati, de Testam. ibi: jure Lambardo; & ideo, etiam S. Synodus Trid. Sess. 24. c. 1. de Reform. optat, ut, si que Provincie, aliis, ultra predicitas, laudabilibus consuetudinibus, & ceremoniis, hac in re, utantur, eas omnia retineant.

Not. 2.